

In amatlahcuilol tlen oquihcuiloh

Santiago

Tetlahpalolis

1 Neh Santiago ^a, itiquitcau Dios uan itiquitcau in toTecotzin Jesucristo. Innamechontlahpaloua namehuantzitzin, in mahtlaclamome pantli de tociu uan tlen namonpouih Israel tlen namonxixintoqueh ic nouiyan.

In cuali tlayoluilis tlen ualeua itichtzin Dios

²Nocnuantzitzin, tlailiuis xonpaquican ihcuac namotich ehco tlensa tlahyouilis tlen icniqui namechonuitzitis itich namotlaniltoquilis,

³pues ya nanconmatih que tlen icniqui namechonuitzitis itich namotlaniltoquilis namechonixpitlania quenih namontlaxicosqueh.

⁴Uan ixconcauacan mahsic mamoscalti namotich non chicalualis tlen namechonixpitlania xontlaxiocan, uan ohcon mai yec mahsic namotlaniltoquilis uan

namochiualis, uan acmo mai itlah campa mamoni qui xonchicaucan.

⁵Tla acah namehuantzitzin namechonpoloua cuali tlayoluilis, macontlahatlanili Dios, uan Yehuatzin conmactis, pues Yehuatzin nochtin quimonmactia mic, uan amo tetlatzotzocatilia dion amo teahua ihcuac sectlahatlanilia.

⁶Pero tlen quemah, icpia tlen icthlahtlanis ica tlaniltoquilis uan amo yolometitos; pues naquin sa yolometitoc, icniuilia quemeh in atl tlen catqui itich mar tlen mahcocui ica in ehecatl uan icui-uica campa icniqui.

⁷Tla acah ohcon yolometi, amo macyolui itlah icsilis den toTecotzin,

⁸pues naquin sa motlayoluilis-papatlatoc, itich nochi nichiuualis ayic mocaua san itich se itlahtol.

⁹In tociu naquin amitlah icpia mapaqui, pues Yehuatzin conuehcapantlalia;

¹⁰pero naquin tominehqui mapaqui, pues Yehuatzin icquixtilis

^a Nin Santiago yehua mismo Jacobo naquin oyah icniu in toTecotzin uan oyah intlayacancau in tlaniltocanih tlen chanchiuah Jerusalén.

niueyilis. Non tocníu niman panos quemeh nixochiyo in xiuitl, niman uaqui.

¹¹Ihcuac panquisa in tonaltzin uan chicaoac tona, in xiuitl uaqui, uan nixochiyo uitzí, uan pohpoliui nicualtziyo; noiuqui ohcon icpanos naquin tomínehqui ica nochi tlen mic icpia.

Tlateochiualpaquini naquin amo uitzí itich tlen icyoltilana

¹²Tlateochiualpaquini in tlatatl naquin tlaxicoua uan amo uitzí itich tlen icyoltilana; pues ihcuac yoclamipanauh non, icsilis in yolilistli quemeh corona, tlen Dios omoyectencau quinmactis naquin contlasohtlah.

¹³Ihcuac acah icyotilana icchiuas tlen amo yec, amo maquihto yen Dios naquin ohcon icchiuilih-toc, pues Dios amo icyoltilana in tlen amo yec, uan Yehuatzin amo icchiua acah macyoltilana non.

¹⁴Tla yeh, ihcuac acah icyoltilana in tlen amo yec, ohcon mochiua nic niamocualitlaniquilis tlen cah itich yehua ictilana uan iccahca-yaua.

¹⁵Uan itich non amocualitlaniquilis ualyoli uan nesi in tlahtlacol, uan ihcuac non tlahtlacol mahsic yomoscahtih, cualica miqulistli.

¹⁶Notlasohicniuan, amo xonmopolocan:

¹⁷nochi tlen cuali uan mouistic yec tetlaocolil uitz de iluicac, ualeua inauactzinco Dios, naquin oquintlalih in tlanesten itich in iluicac, naquin amo mopapatla quemeh

in tlanesten tlen quemanian cuali tlanextiah uan quemanian amo.

¹⁸Yehuatzin ica nitlaniquilitzin otechonyancuicanexitih ica nitlahtoltzin tlen ictematiltia tlen milauac, para ohcon itich nochi nitlachiuaitzin tehuan matican quemeh necah mouistic tlatiyotl tlen tlayacana chicao.

Mattlacamatican nitlahtoltzin Dios

¹⁹Nin icpia tlen nanconmatis-queh, notlasohicniuan, sehsemeh icnamiqui icpias se cualtzin tlaniquilis tlen ica sanniman maquinaqui nocsiquin, pero mamocamatzacuili tlahtohtiuitzis, uan mamotzacuili cualantiuitzis.

²⁰Pues naquin tlauelcalaqui, amo uili icchiua tlen yec iixpan Dios.

²¹Ica non, ixcontlatiucan de namehuantzitzin nochi pitzotic ayilistli uan amocualyotl, uan ohcon ixconyecsilican ica cualtzin tlaniquilis in tlahtol tlen ya tlatoctli namotichtzin, tlen icpia chicaoalis namechonmaquixtis.

²²Amo san ixconcaquican in cuali tlahtol, yehyeh ixconchiuacan. Tla amo nanconchiuah, san namehuantzitzin namonmocahcayautoqueh.

²³Pues tla acah iccaqui in cuali tlahtol uan amo icchiua, non tocníu icniuilia quemeh naquin moixita itich se espejo,

²⁴yeh cuali quita quenh ixameh, pero ihcuac ya yauí niman quila-caua quenh ixameh.

²⁵Pero naquin amo quihcuania nitlachialis itich in tlen mahsic yec

tlanautil tlen tetohtoma temac, uan amo san iccaqui uan satepan quilcaua, tlamo yeh mocaua itich non tlanauatil uan icchiaua, yeh isqui tlateochiualpaquini itich tlen yeh icchiaua.

²⁶Tla acah namehuantzitzin icmachilia simi ictlacachiu Dios, uan amo icmati mocamatzacuilis, sayehua mocahcayaua, uan non quen icnextia mach ictlacachiu Dios, amotlen ipatiu.

²⁷Inauactzinco in toTahtzin Dios in tlen milauac uan yec chipauac tetlacachiuah yeh yeh nin: masequinmatlani itich nintlapanolis in icnomeh uan in siuameh tlen yotlaucalmiqueh, uan amo masemoquinilo ica in tlahtlacol tlen cah itich in talticpac.

Amo masetechicoita

2 Nocnuantzitzin, quemeh tlaniltocanih inauactzinco in tomouisticTecotzin Jesucristo, amo xontechicoitacan.

²Pues tla campa namonmonichicouah calaqui se tlatatl tlen cuahcual ualtlaquentiu uan icpia ianillo de oro, uan noiqui ompa ehcoqui se naquin amitlah icpia uan moluehtzin ualtlaquentiu,

³uan namehuantzitzin nanconyequitah naquin cuahcual tlaquentoc uan nanconiluiah: “Ica momoisiotzin xonmotlali nican campa ocachi cuali”; uan nocse tlatatzin naquin amitlah icpia nanconiluiah: “Touatzin ompa

xonihcato”, noso “xonmotlali tlanpan”,

⁴tla ohcon nanconchiuah, ¿quenat non amo techicoitalis innauac namocniuan? ¿Uan ohcon xamo ictosniqui amo yec namotlayoluil quen namontetlatlatah?

⁵Notlasohicniuan, ixconcaquican: ¿Quenat amo Dios oquinpin tlen amitlah icpia itich nin talticpactli para macpiacan mic tlateochiuah itich in tlaniltocuilis, uan maquintlaaxcatican campa Yehuatzin motlanauatilia, ohcon quemeh omoyectencautzinoh innauac naquin contlasohtlah?

⁶Pero namehuantzitzin nanquimonpiphinautiah naquin amitlah icpia. ¿Quenat amo yeh naquin tomenehqueh naquin namechontlahyouiltiah uan namechonuilantieh innauac in tiquiuhqueh?

⁷¿Quenat amo yehuan naquin pitzotic icteneuah nimouistictoocaatzin Yehuatzin naquin onanconsiliqueh queh namoTecotzin?

⁸Cuali nanconchiuah tla milauac nancontlacamotoqueh in tlen ocachi tlayacantoc tlanauatil, ohcon quemeh ihcuiliutoc itich in Teotlahtolamatl: “Ittlasohtlas mocni quemeh teh itmotlasohtla.”^b

⁹Pero tla namontechicoitztoqueh, namontlahtlacolchiuah, uan iixpan in tlanauatil namonmocauatueh namontlahtlacohehqueh nic nanconixnamictoqueh.

¹⁰Porque tla acah cualtlacamatiu nochitlen in tlanauatil quihtoua,

^b Lv. 19:18

pero san ica se maquixpanauí, san ica non quixnamiqui nochi in tlanauatil.

¹¹Yehuatzin Dios naquin ocmih-taluih: “Amo itmocalaquís iuan naquin amo iuan itnamiqueh”,^c noiuqui ocmih-taluih: “Amo ittemictis.”^d Ica non, tla amo itmocalaquih-toc iuan naquin amo iuan itnamiqueh, pero ittemictia, ohcon quisa yotquixnamic nochi in tlanauatil.

¹²Xontlahtocan uan xonninimican yec, pues ya nanconmatih que ica in tlanauatil tlen techquixtia temac, Dios quitas tlenoh icnamiqui sehse.

¹³Naquin amo quimicnoita nocsiquin, Dios noiuqui amo quicnoitas ihcuac Yehuatzin quitas tlenoh icnamiqui sehse. Pero naquin teicnoitani amo icmouilia in tlatzacuiltlis.

In tlaniltoquilis mota ica in cuali chualis

¹⁴Nocnuantzitzin, ¿tlenoh icmatlani tla acah quihtoua tlanilto-ca uan amitlah cuali chualistli icchiua? ¿Quenat non tlaniltoquilis uilis icmaquixtis?

¹⁵Tla se tocníu tlaniltocani siuatzintli noso tlatatzin amo icpia tlenoh icmoquentis noso tlenoh quicuas,

¹⁶uan semeh namehuantzitzin nanconiluih: “Xoyau ica cualtzin, xonmotlahtlaquenti, uan cuali xontlacua”, uan yeh amo nancon-

mactiah tlen icpoloua, ¿tlenoh ica icmatlani non?

¹⁷Noiuqui ohcon mochiua ica in tlaniltoquilstli, tla amo yauí iuan cuali chualistli, tlamilauca non tlaniltoquilis ictosniqui mictoc.

¹⁸Uilis acah teiluis: “Teh uilis itpias yen tlaniltoquilis, uan ocse icpias yen cuali chualis.” Tla acah ohcon teiluis, quenat uilis icnextis nitlaniltoquilis tla amo icpias cuali chualis. Pero neh quemah uilis innexilis notlaniltoquilis ica nocualichualis.

¹⁹¿Touatzin itconpia in tlaniltoquilis cah san se Dios? Tlailiuis cuali, pero ixconmati in amocuali ehecameh noiuqui icniltocah non, uan uiuiyocah.

²⁰¿Max moniqui ocachi semitzonahsicamatiltis? Amo xoni tonxoxoh, in tlaniltoquilis, tla amo yauí iuan cuali chualis, non ictosniqui mictoc.

²¹¿Xamo in Abraham, de naquin itualeuah, Dios ocsilih chipauac ica nichualis, ihcuac octemactih-toya niconeu Isaac quemeh tlatemactil?

²²San ompa ixconita quen nitlaniltoquilis uan nichualis sansican oyayah, uan ohcon ica nichualis mahsic omahxitiht nitlaniltoquilis.

²³Uan ohcon omonextih nic milauac tlen ihcuiliutoc itich in Teotlahtolamatl: “Abraham otlaniltocac inauactzinco Dios, uan ica non Dios ocsilih chipauac.”^e

^c Éx. 20:14; Dt. 5:18 ^d Éx. 20:13; Dt. 5:17 ^e Gn. 15:6

Uan Dios oquinotz iyolohicniu in Abraham.^f

²⁴Ica nochi nin ya nanconitah nic se yeh seisqui chipauac inauac-tzinco Dios ica in cuali chiualistli, uan amo san ica in tlaniltoquilis.

²⁵Noiuqui ohcon Rahab, naquin omonamacaya, Dios ocsilih chipauac ica in chiualistli tlen oquichiu ihcuac oquinsilih in ichtacatlapihpianih israelitas uan oquimiluih mamocuipacan ic itich ocse ohtli.

²⁶Ohcon quemeh in totlalnacayo, ihcuac acmo icpia iespíritu acmo icpia yolilistli, ohcon noiuqui in tlaniltoquilis, ihcuac amo yau iuan cuali chiualistli, non tlaniltoquilis mictoc.

Tlenoh uili cualeualtia in toninipil

3 Nocniuan, amo xonican mi-queh namontlamachtanah, pues ya nanconmatih, tehuan tlen ittlamachtiah ocachi techtlatacuiltisqueh tla ittlahtlacouah.

²Porque itnochtin ittlahtlacouah micpa, pero tla acah amitlah tlah-tlacol icchiua ihcuac tlah-toua, non se tocnui mahsic cuali, tlen noiuqui uili ictzacuilia nochi nitlal-nacayo.

³Ixonitacan, tehuan itquintzacuiliah in caballos ica freno itich nincamac, uan ohcon non ueyi tlahpial uili secuica ic campa se yeh secniqui.

⁴Noiuqui ohcon in barcos, masqui uehueyinten, uan masqui quim-

ixtopeuti chicaoac ehecatl, se tlatatl san ica se tzohtzocotzin pohtlapich itoocaa timón icuica campa yeh icniqui.

⁵Noiuqui ohcon in toninipil, masqui tzohtzocotzin, mosinia uili icchiua cuahcual chiualis. ¡Cniuilia se tltzin tlen icxotlaltia se ueyi pohyoh!

⁶In toninipil yeh tlitl, temohtih mic tlah-tlacol cah itich, yeh cah itich in totlalnacayo uan mahsic icmahmaua. In toninipil ica nitliyo quihtlacoua nochi in toyolilis. Uan nitliyo utz itich in tlicotlatzacuilitlis.

⁷Nochi tlatlamantli tecuanimeh, pájaros, couameh uan nochi tlen yoltoc iih-tic mar, in tlatatl uili icchiua ma-tlacamatican uan ohcon icchiutoc;

⁸masqui ohcon, amo se tlatatl uilitoc ic-tlatlacamatiltihtoc nininipil. Seininipil mahsic amo cuali tlen amo uili sectzacuilia, uan icpia mic iistlac tlen temictia.

⁹Ica in toninipil ittlacachiuah in toTahtzin Dios, uan ica noiuqui sequimihtlania itlah amo cuali in talticpactlacameh, naquin tlachiu-ten quemeh Yehuatzin ameh.

¹⁰¿Queutoc ica non tocamac it-touah tlateochualis, uan noiuqui ica secteihtlania tlen amo cuali? Nocniantzitzin, non amo icnami-qui ohcon secchuias.

¹¹¿Quenat san itich se amelatl uilis meyas tzopelic uan chichicatl?

^f 2 Cr. 20:7; Is. 41:8

¹²Nocnuantzitzin, ¿max uilis itich se icoxpouitl mochiuas aceitunah-tlatiyotl, noso itich nitimicayo in uva mochiuas icox? Noiuiqui ohcon amo uilis itich se amelatl meyas atl tzopelic uan noiuiqui poyic.

In cuali tlayoluilistli monextia ica in yec ninimilis

¹³Naquin de namehuantzitzin icpia cuali tlayoluilis uan ahsicamatilis, macnexti non ica niyecninimilis. Nichiualis mai ica icnotecalis tlen ica macnexti nicualitlayoluilis.

¹⁴Pero tla itich namoyolo nanconpiah nichaualistli tlen namechonchichilihtoc, uan nixicolistli, tla ohcon amo tlemach non xonmomatican, uan amo ixconnectih-tocan queh istlacatilistli in tlen milauac.

¹⁵Pues non cauitz cuali tlayoluilis, pues non amo ualeua itich Dios, tlamó itich in talticpactli. Ualeua itich nitalticpactlayoluilis in tlatcatl uan itich in amocuali.

¹⁶Porque campa cah nixicolistli uan ixnamictli, ompa amo uili itlah san yec catqui, uan ompa cah tlenca amo cuali chiuah.

¹⁷Pero naquin icpiah cuali tlayoluilis tlen ualeua iluicac, yehuan yolchipauaqueh, ictemouah isqueh ica cuali iuan nocsiquin, cualmeh coconeh, teahsicamatinih, simi tecnoitanih, uan ictechiuilih tlen cuali, amo techicoitanih uan amo ome inxayac.

¹⁸Naquin ictemouah mai seuilistli, yehuan ictoocah seuilistli para

ohcon satepan isqui se pixquistli ica yecninimilis inauactzinco Dios.

Amo ixcontlasohtlacan tlen cah itich in talticpac

4 ¿Ihcuac nanmoixnamiquih uan nanmocualaniah, canih ualeua non? ¿Quenat amo ualeua itich namotalticpactlaniquilis, tlen namechpahsolohtinimi itich namoyolo?

²Namonyolnemiquih nanconpiah queh itlah, uan yeh amo uili nanconpiah, ica non namontemictiah. Namonnixicolmiquih, uan yeh amotlen uili nanconpiah, ica non namonmoixnamiquih uan namonmotiuiah. Uan tlamilauca, tla amo nanconpiah tlen nanconpiah, non yeh nic amo nancontlahtlanilia Dios.

³Uan tla nancontlahtlaniliah, amo nanconsiliah, nic amo yec tlen nancontlahtlanih, pues nancontlahtlanih san tlen ica nanconpaquilismacasqueh namotalticpactlaniquilis.

⁴¿Namehuan inauac Dios nanconchiuah quemeh se naquin mocalaquia iuan naquin amo iuan namiqueh! ¿Quenat amo nanconmatih nic nochi naquin icuilita moyecuicas iuan tlen cah itich in talticpac, mochiuaquih itecocolihcau Dios?

⁵Ixonmatican, amo sannencah tlen quihtoua in Teotlahtolamatl: “In Espíritu tlen Dios oconchiu machanchiua totich, technichaulia nic techontlasohtla simi.”

⁶Tlen milauac, Yehuatzin ocachi techonpialia tetlasohitalis. Pues ica non quihtoua in Teotlahtolamatl: “Dios quimixnamiqui tlen moueyiniquih, pero tlen micnotecah inauactzinco quinpialia tetlasohitalis.”^g

⁷Ica non ixcontlacamatican Dios. Amo ixconmocauilican manamechontlatiquiti in amocuali, uan ohcon yeh cholos de namehuantzitzin.

⁸Xonmotoquican inauactzinco Dios, uan Yehuatzin motoquih-tzinos namonauactzinco. Tlah-tlacouanih, ixquimonchipauacan namomauan de nochi tlahtlacol, uan namehuan naquin oc namonyolometitoqueh, yec ixconmactican Dios namoyolo.

⁹Manamechonchocti quen teltaocoltih namotlahtlacol, xontlaocoltzahtzican, uan xonchocacan. Namouitzquilis mamocuipa choquilstli, uan namopaquilis mamocuipa tlaocol.

¹⁰Ohcon xonmicnotecacan inauactzinco in toTecotzin, uan Yehuatzin namechonuehcapan-tlalis.

Amo xonmohihtocan

¹¹Nocniuuantzitzin, amo xonmohihtocan. Naquin quihhtoua noso sa ictlatlatztoc nicniu, non quisa quemeh quihhtohtoc uan ictlatlatztoc yen tlanauatil. Pero tla san itlatlatztoc in tlanauatil, ohcon amo ittlacamatoc, tlamo

yeh itmocuipa itteihhtouani den tlanauatil.

¹²San se naquin uili techtlatlata, Yehuatzin yeh naquin itich oualeu in tlanauatil uan naquin uili tetlatzacuiltia noso temaquixtia. Tla ohcon, ¿aquih in touatzin tleca tonmixeuia itcontlatlata mocniu?

Tlen ityoluiah itchiasqueh mattlalican imactzinco Dios

¹³Cuali ixconcaquican, namehuantzitzin naquin nanconihhtouah ihquin: “Axan noso mostla tiasqueh itich necah ueyi altipetl, uan ompa itchanchiasqueh se xiuitl, ittlanamacasqueh uan cuali ittlanisqueh tomin”,

¹⁴uan yeh amo nanconmatih tlenoh mochiuas mostla, dion tlenoh mochiuas namouan. Pues seiyolilis yeh quemeh in mixtli tlen monextia tipitzin uan satepan pohpoliui.

¹⁵Yeh ocachi cuali ixconihhtocan: “Tla in toTecotzin comoniquiltia, oc itchanchiutosqueh, uan itchiasqueh nin noso necah tiquitl.”

¹⁶Pero namehuantzitzin axan tlemach non nanmomatih ica tlen nanconyoluiah nanconchiasqueh, uan nochi non uehcapaniquilis amo cuali.

¹⁷Uan ohcon, naquin icmati icchiasqueh tlen cuali, uan amo icchia, tlahtlacoua.

^g Pr. 3:34

Matlacaquican in tominehqueh

5 ¡Axan ixconcaquican namehuantzitzin tlen namontominehqueh! Xonchocacan uan xonpohtzahtzican nic namotichtzintzin ualahtoc tlahyouilis.

²Nochi tlen mic nanconpiah yopalan, uan namocuahcualtilmah nochi yoocuilouac.

³Namooro uan namoplata hasta yopoxcau, uan nipoxcauyo icematiltis nic amo cuali quen nanconchiuah, uan mocuipas queh tlihtl tlen namechontlahtlamis. Onanconmonichicouilihqueh mic tomin, uan yeh ya itcateh itich ninyacatlamiyan in tonalmeh.

⁴Amo onanquimontlaxtlauhqueh namotlaqueualuan tlen onamechontlaeuilhqueh itich namotlaluauan, uan nintlaxtlauil tlen onanconmocauhqueh simi namechontlahtlacolhtoc. Uan Dios naquin chicaucatzintli tlayacanqui de iluicac, yocomocaquitih non innimohsiuil namotlaqueualuan.

⁵Yonamonchanchiuqueh itich tlen paquilis nican tlatlicpac, uan onanconchiuqueh nochi tlen onanconniueh. Namontohtomautoqueh quemeh in tlatomaualten tlen amo icmatih nic in tonal ihcuac quintlatzacuiltis queh yoehcoc.

⁶Namehuantzitzin onancontlahlacoltihqueh uan onanconmicthiqueh naquin yolchipauac, naquin amo tzocotzin omopaleuih.

Matchiacan ica pacahyouilis in tonal ihcuac ualmouicatzinos in toTecotzin

⁷Ica non, nocniantzitzin, ica pacahyouilis xonmochiacan hasta itich in tonal ihcuac in toTecotzin ualmouicatzinos. Ixconitacan naquin tlamiloua, quen mochia hasta uilis icpixcas nitlasohtlamilol, uan ica pacahyouilis icchia in quiyauitl tlen icyamanaltia in tlali uan tlen icyolitia in tlamilol.

⁸Namehuantzitzin noiuqui ohcon ixconpiacan pacahyouilis, uan xonmoyolchicauacan, pues ya ehcotoc in tonal ihcuac in toTecotzin ualmouicatzinos.

⁹Nocnluan, amo xonmoihihthotnimican, uan ohcon ihcuac iclatlatasqueh namochiualis amo namechontlahtlacoltis queh, porque Yehuatzin naquin iclatlatas in tochiualis yoehcoc caltenco.

¹⁰Nocniantzitzin, itich in teotlanauatanih tlen otahtouayah ica nitoocaatzin in toTecotzin xontlasalocan quenih moniqui setlahyouis uan setlaxicos.

¹¹Tehuan tlamilauca itquinmatih queh tlateochiualpaquinih naquin icxicouah in tlahyouilis. Ya nanconmatih quenih in Job otlaxicoh itich in tlahyouilis,^h uan ya nanconmatih tlenoh oquichiu Dios ipampa ihcuac oyacatlan non tlahyouilis; pues Yehuatzin in toTecotzin teicnoitani uan tlaocolitani.ⁱ

^h Job 1:21-22, 2:10 ⁱ Sal. 103:8

¹²Tlen quemah, nocnuantzitzin, ihcuac nanmotencauh amo ixcon-toocaayotican Dios noso in tlaltic-pactli noso itlah tlen ocse. Yehyeh ihcuac nanconihtosqueh “Quemah”, mai quemah, uan ihcuac nanconihtosqueh “Amo”, mai amo, uan ohcon ihcuac namech-ontlatlatasqueh amo namechon-tlahtlacoltisqueh.

¹³Tla semeh namehuantzitzin itlah ictiquipachoua, macmonochili Dios; uan tla acah pactoc, mac-cuicati Dios.

¹⁴Tla semeh namehuantzitzin mococoua, maquinnotza nintlayacancauan in tlaniltocanih, uan yehuan macmotlatlautilican Dios ipampa, uan mactlalilican aceite ica nitoocaatzin in toTecotzin.

¹⁵Uan ihcuac iclatlautisqueh Dios ica tlaniltoquilis, in cocoxqui pah-tis, uan toTecotzin icquitzteuas; uan tla otlahtlacoh, isqui tlapoh-poluil nitlahtlacol.

¹⁶Ica non, ixconmoixpantican namotlahtlacol se iuan ocse uan ixconmosepannochican Dios, uan ohcon namonpahtisqueh. Nitlatlautilis acah naquin yec nichualis icpia chicalis, uan uili icchiua mic.

¹⁷In teotlanauatani Elías yeh ocatca se tlatatzin itich nochi yec ameh quemeh tehuan; yeh simi octlatlautih Dios amo maquiyau, uan ohcon omochiu, amo oquiyau yeyi xiuitl uan tlahco itich in tlaltic-pactli.

¹⁸Satepan ocsipa octlatlautih Dios maquiyau, uan yoquiyau, uan in tlaltic-pactli octemactih nitlatiyo.

¹⁹Nocnuantzitzin, tla acah namehuantzitzin omoxiloh oquicau in tlen milauac ohtli, uan semeh namehuantzitzin ocsipa cualcuipa, ²⁰ixconmatican naquin icyolcuipa non tlahtlacouani den amo cuali ohtli, icmaquixtis de imac in miquilis. Uan non icchiuas mai tlapoh-poluil mic tlahtlacol.